



Na osnovu člana 20.a Zakona o radu ("Sl. novine FBiH", br. 26/16 i 89/18), člana 3., 6. i 7. Uredbe o postupku prijema u radni odnos u javnom sektoru na teritoriji Kantona Sarajevo ("Sl. novine Kantona Sarajevo", broj 19/21 i 10/22) i Odluke Ministarstva zdravstva broj: 10-33-24694/22 od 06.07.2022 godine, v.d. direktor JU Psihijatrijska bolnica Kantona Sarajevo raspisuje

### **JAVNI OGLAS za prijem u radni odnos na određeno vrijeme**

Objavljuje se Javni oglas za prijem radnika u radni odnos na određeno vrijeme za radna mjesta:

1. Medicinska sestra tehničar 1 (jedan) izvršilac na određeno vrijeme do šest mjeseci
2. Medicinska sestra tehničar (jedan) izvršilac na određeno vrijeme do tri mjeseca
3. Radnica na održavanju čistoće 1 (jedan) izvršilac na određeno vrijeme do jedne godine
4. Radnik na poslovima domara 1 (jedan) izvršilac na određeno vrijeme do jedne godine

Opći uslovi:

- a) da je državljanin BiH
- b) da je stariji od 18 godina
- c) da ima opću zdravstvenu sposobnost za obavljanje poslova i radnih zadataka radnog mjesta

- 1. Medicinski tehničar/sestra na odjeljenju - 1 (jedan) izvršilac na određeno vrijeme do šest mjeseci i 1 (jedan) izvršilac na određeno vrijeme do tri mjeseca**

**Posebni uslovi:**

- SSS Medicinska škola psihogerijatrijski ili opšti smjer,
- položen stručni ispit,
- poznavanje rada na računaru,
- bez radnog iskustva.

**Opis poslova:**

Tokom radnog vremena u stalnom i neposrednom je kontaktu sa duševnim bolesnikom, prisustvuje glavnoj viziti na odjeljenju, a po potrebi referiše stanje pacijenta, odgovoran je za propisanu medicinsku dokumentaciju, kao i provođenje procedure za vođenje temperaturne liste za medicinske sestre/tehničare, kao i procedure za premještaj pacijenata sa odjeljenja, učestvuje u organizaciji i provođenju zdravstvene njege pacijenta, provođenju ljekarskih naloga na odjeljenju, podjeli ordinarnih terapije, uzimanju laboratorijskih uzoraka, provođenju određenih dijagnostičkih postupaka



(snimanje EKG), zadužen je za nadzor nad uzimanjem hrane pacijenta, kao i pomoć pri hranjenju pacijenta, brine se o higijenskom izgledu pacijenata, kao i bolesničkih soba na odjeljenju, kontrolira cjelokupno stanje na odjeljenju i vodi raportnu knjigu, obavlja razne tehničko – medicinske poslove, priprema pacijenta za određene preglede, daje i kontrolira uzimanje terapije i materijala za dijagnostičke postupke, brine se o zdravstveno – prosvjetnom radu, zabavi i razonodi pacijenata, učestvuje u provođenju procedura za određivanje nivoa opservacije, supervizije, korištenja fiksacija i fizičkih intervencija hospitaliziranih pacijenata na odjeljenjima, po ukazanoj potrebi obavezan je pratiti pacijenta iz bolnice u drugu zdravstvenu ustanovu, u izuzetnim slučajevima dužan je pružiti pomoć i na drugim odjeljenjima, obavezan je stručno usavršavati se radi održavanja i unapređivanja kvaliteta zdravstvene zaštite u skladu sa Planom usavršavanja zdravstvenih radnika bolnice, u svom svakodnevnom radu provodi sanitarno-higijenske postupke radi sprječavanja pojave i širenja infekcija, učestvuje u zbrinjavanju medicinskog otpada i infektivnog medicinskog otpada prema procedurama, učestvuje u edukaciji o sprječavanju, suzbijanju i praćenju bolničkih infekcija, te aktivno učestvuje u program imunizacije, u slučaju pojave bolničkih infekcija saraduje sa Komisijom za sprječavanje i suzbijanje bolničkih infekcija, provodeći procedure univerzalnih mjera predostrožnosti za kontrolu bolničkih infekcija, brine se o bezbjednosti pacijenata, posjetilaca unutar odjela, u slučaju smrti pacijenta postupa prema za to predviđenoj proceduri, učestvuje u provođenju procedure o prevenciji ubistava i samoubistava pregledavajući i oduzimajući oštre predmete, oruđa i pribor za ličnu higijenu kojima bi eventualno moglo doći do povređivanja, učestvuje u pojačanom nadzoru posmatranja za takve pacijente, učestvuje u provođenju procedure bezbjednosti pacijenata, osoblja, posjetilaca unutar odjeljenja, radi na svom stručnom usavršavanju kroz kontinuiranu medicinsku edukaciju i obuku u svrhu trajnog profesionalnog razvoja, koji im pomaže da promjene i unaprijede svoju praksu, vode nadzor nad pristupom i korištenjem prostorija na odjeljenju bolnice, vrše kontinuiranu provjeru pravilnosti za planiranje i provođenje otpusta, obavezno provjerava zaključavanje ulaznih i izlaznih vrata na odjeljenju kao i prozora, vrše primopredaju glavnih ključeva, u skladu sa usvojenom procedurom provodi premještanje pacijenta sa odjeljenja, vodi uredno i tačno temperaturnu listu za svakog pacijenta, vodi uredno i tačno raportnu svesku na odjeljenju, poštuje i primjenjuje Zakon o zaštiti osoba sa duševnim smetnjama, poštuje principe Kodeksa ponašanja uposlenika bolnice, kao i Kodeks medicinske etike i deontologije, aktivno učestvuje u izradi i primjeni procedura u skladu sa uputstvima koordinatora za kvalitet, obavlja poslove i radne zadatke po nalogu neposrednog rukovodioca, glavne sestre odjeljenja prema opisu radnog mjesta i stručne spreme i usvojenih procedura. Za svoj rad odgovoran je glavnom medicinskom tehničaru-sestri odjeljenja, glavnom tehničaru-sestri bolnice, rukovodiocu odjeljenja i direktoru bolnice.

**Mjesto rada:** JU Psihijatrijska bolnica Kantona Sarajevo, Nahorevska 248.

**Radno vrijeme:** 37,50 sati sedmično (turnus)

**Iznos prosječne osnovne plaće:** 1.229,58 KM

## **2. Radnica na održavanju čistoće na određeno vrijeme do 1 (jedne ) godine**

### **a) Posebni uslovi:**



1. da imaju završenu SSS ili osnovnu školu.

### **Opis poslova:**

Radi na održavanju higijene bolesnički soba-odjeljenja, hodnika, čekaonica i nusprostorija, pere i čisti vrata i prozore, po potrebi odnosi na pranje zavjese i čisti itisone, po potrebi više puta dnevno održava čistoću mokrih čvorova, stepeništa i hodnika, vrši dezinfekciju prostorija, predmeta i pribora, obavlja transport nečistog veša, doprema čisti veš koji distribuira po odjeljenjima, zadužuje i održava pribor i sredstva za rad, po završetku radnog vremena provjerava i ostavlja u sigurnom stanju: prozore, vrata, vodovodne i električne instalacije, prijavljuje uočene kvarova, nedostatke i nastalu štetu, vodi računa da poslove održavanja i čistoće radi kvalitetno i blagovremeno, poštuje principe Kodeksa ponašanja uposlenika Bolnice, kao i kodeks medicinske etike, aktivno učestvuje u izradi i primjeni procedura u skladu sa uputstvima Koordinatora za kvalitet, obavlja poslove i radne zadatke po nalogu glavnog medicinskog tehničara-sestre odjeljenja i direktora u okviru svoje stručne spremlje i usvojenih procedura.

Za svoj rad odgovorna je glavnom medicinskom tehničaru - sestri odjeljenja – glavnom medicinskom tehničaru-sestri Bolnice i direktoru Bolnice.

**Mjesto rada:** JU Psihijatrijska bolnica Kantona Sarajevo, Nahorevska 248.

**Radno vrijeme:** 37,50 sati sedmično ( turnus )

**Iznos prosječne osnovne plaće:** 728,60KM

### **3.Radnik na poslovima domara na određeno vrijeme do 1 (jedne ) godine**

a) Posebni uslovi:

- SSS - Tehničkog smjera -
- najmanje 1 godina radnog iskustva.

### **Opis poslova:**

Obavlja popravak elektrouređaja i vrši izvođenje novih elektroinstalacija, održava aparate, mašine, otklanja kvarove na istim, svakodnevno obilazi odjeljenja u cilju otklanjanja nastalih kvarova, odgovoran je za tehničku ispravnost mašina i aparata, obavlja zamjenu rasvjetnih tijela-sijalica, otklanja kvarove na svim vrstama instalacija u poslovnom prostoru, odgovoran je za ispravnost sanitarnih uređaja, mokrih čvorova, vodovodne i kanalizacione mreže, obavezan je da na poziv službe u hitnim slučajevima otkloni kvarove te o istom obavijesti neposrednog rukovodioca, ostvaruje saradnju sa zaposlenicima raspoređenim na ekonomiji i okruženju Bolnice, pomaže pri prijenosu inventara, poštuje principe Kodeksa ponašanja uposlenika Bolnice, kao i kodeks medicinske etike, aktivno učestvuje u izradi i primjeni procedura u skladu sa uputstvima Koordinatora za kvalitet, obavlja i druge poslove po nalogu neposrednog rukovodioca i direktora Bolnice u okviru svoje stručne spremlje i usvojenih procedura.



Za svoj rad odgovoran je neposrednom glavnom medicinaru tehničaru-sestri bolnice i direktoru Bolnice.

**Mjesto rada:** JU Psihijatrijska bolnica Kantona Sarajevo, Nahorevska 248.

**Radno vrijeme:** 37,50 sati sedmično

**Iznos prosječne osnovne plaće:** 1,092,96 KM

**Potrebna dokumentacija:**

**Za poziciju pod rednim brojem 1. i 2.**

- a) Svojeručno potpisana prijava na Javni oglas, sa kraćom biografijom, adresom, brojem telefona i naznakom radnog mjesta za koje se prijavljuje,
- b) Uvjerenje o državljanstvu,
- c) Izvod iz matične knjige rođenih,
- d) Diploma o završenoj Medicinskoj školi - psihogerijatrijski ili opšti smjer,
- e) Dokaz o položenom stručnom ispitu,
- f) Važeća Licenca za samostalan rad izdata od nadležne komore,
- g) Dokaz o poznavanju rada na računaru.

**Za poziciju pod rednim brojem 3.**

- a) Svojeručno potpisana prijava na Javni oglas, sa kraćom biografijom, adresom, brojem telefona i naznakom radnog mjesta za koje se prijavljuje,
- b) Uvjerenje o državljanstvu,
- c) Izvod iz matične knjige rođenih,
- d) Dokaz o završenoj školi .

**Za poziciju pod rednim brojem 4.**

- a) Svojeručno potpisana prijava na Javni oglas, sa kraćom biografijom, adresom, brojem telefona i naznakom radnog mjesta za koje se prijavljuje,
- b) Uvjerenje o državljanstvu,
- c) Izvod iz matične knjige rođenih,
- d) Diploma SSS - Tehničkog smjera završene škole .
- e) Dokaz o radnom iskustvu

**NAPOMENA:** Navedenu dokumentaciju potrebno je dostaviti u originalu ili ovjerenju fotokopiji ne starijoj od 6 (šest) mjeseci. Dostavljena dokumentacija se neće vraćati.

**Prednost/prioritet pri zapošljavanju**



Prednost pri zapošljavanju će imati kandidati kojima je prednost/prioritet u zapošljavanju predviđena:

- Zakonom o dopunskim pravima boraca-branitelja („Sl. novine Kantona Sarajevo“, broj 18/21),
- Zakonom o pravima demobiliziranih branilaca i članova njihovih porodica („Sl. novine Federacije BiH“, broj 54/19),
- Uredbom o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20 i 27/21),
- Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevu i općinama u Kantonu Sarajevo („Sl. novine Kantona Sarajevo“, br. 38/20 i 28/21).

Kandidati koji imaju prednost/prioritet istu dokazuju odgovarajućim dokumentom (potvrda, uvjerenje, rješenje i sl.) koji prilažu prilikom prijave na Javni oglas.

Prednost/prioritet pri zapošljavanju po Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, br. 37/20 i 27/21) ostvaruju kandidati koji su na evidenciji Javne ustanove „Službe za zapošljavanje Kantona Sarajevo“ ili su zaposleni na određeno vrijeme ili su zaposleni sa nižom stručnom spremom od one koje posjeduju.

Kandidati da bi ostvarili prednost/prioritet pri zapošljavanju trebaju da dostave:

- Dokaz da su u evidencijama Javne ustanove „Službe za zapošljavanje Kantona Sarajevo“ evidentirani kao nezaposlene osobe (uvjerenje/potvrda JU „Službe za zapošljavanje Kantona Sarajevo“ ne starije od datuma objavljivanja ovog javnog oglasa), ili
- Dokaz da su zaposleni na određeno vrijeme ili da su zaposleni sa nižom stručnom spremom od one koju posjeduju (uvjerenje/potvrda poslodavca ne starije od datuma objavljivanja ovog oglasa sa tačno naznačenim nazivom radnog mjesta, stepenom stručne spreme).

Dokumentacija kojom se dokazuje status korisnika po Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, br. 37/20 i 27/21) je prikazana u tabeli:

Redni broj	Pripadnost branilačkoj kategoriji	Naziv dokaza - dokumenta	Organ koji ga izdaje
------------	-----------------------------------	--------------------------	----------------------



1.	Član porodice šehida/poginulog, umrlog i nestalog branioca	Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca - Uvjerenje o učešću u Oružanim snagama šehida- poginulog, umrlog i nestalog branioca	Općinska služba za boračko- invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojevremenu ratnog vojnog invalida	Općinska služba za boračko- invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko- invalidsku zaštitu
4.	Demobilisani borci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobilisanog borca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a i b) Općinska služba za boračko- invalidsku zaštitu c) Grupa za pitanja evidencija iz oblasti vojne obaveze prema mjestu prebivališta

Na sva pitanja koja se tiču prednosti pri zapošljavanju, a koja nisu navedena tekstem javnog oglasa, primjenjuju se direktno odredbe Uredbe o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20 i 27/21).

Rok za dostavljanje prijave je 10 (deset) dana od dana objave u dnevnim novinama. Obavijest o javnom oglasu će biti objavljena u jednim dnevnim novinama, a cjelokupan tekst javnog oglasa će biti dostupan na internet stranici Javne ustanove “Služba za zapošljavanje Kantona Sarajevo” i internet stranici poslodavca – [www.jagomir.ba](http://www.jagomir.ba)  
Prijava sa dokazima dostavlja se u zatvorenoj koverti, lično na protokol ili putem pošte, na adresu:



- Javne ustanova Psihijatrijska bolnica Kantona Sarajevo
- Ulica Nahorevska broj 248
- 71 000 Sarajevo

sa naznakom "NE OTVARAJ-PRIJAVA NA JAVNI OGLAS" za prijem u radni odnos na radno mjesto, naznačiti naziv radnog mjesta \_\_\_\_\_.

Ukoliko se kandidat prijavljuje na više radnih mjesta, na koverti, kao i u prijavi na Javni oglas će naznačiti naziv svakog radnog mjesta na koje se prijavljuje.

Proces izbora kandidata provodi Komisija za provođenje javnog oglasa i zasniva se na razmatranju dostavljene dokumentacije, te provedenom pismenom i usmenom dijelu ispita sa svakim kandidatom za radna mjesta za koja je kao uslov propisano srednje ili visoko obrazovanje, dok se proces izbora kandidata za radna mjesta za koja je kao uslov propisano osnovno obrazovanje zasniva na razmatranju dostavljene dokumentacije i održanom usmenom ispitu sa svakim od kandidata.

Komisija za provođenje Javnog oglasa će pismenim putem obavijestiti kandidate, koji ispunjavaju uslove o terminu polaganja pismenog i usmenog dijela ispita.

Po okončanju procedure, kandidati koji budu izabrani biće obavješteni pismenim putem, nakon čega su obavezni dostaviti ljekarsko uvjerenje nadležne zdravstvene ustanove.

#### **Obavještenje za kandidate:**

Poslovník o radu Komisije, listu pitanja i listu propisa i literature iz oblasti iz koje će se polagati pismeni i usmeni dio ispita, kandidati mogu preuzeti na stranici Javne ustanove Psihijatrijska bolnica Kantona Sarajevo ([www.jagomir.ba](http://www.jagomir.ba)).

Za sve dodatne informacije, kandidati se mogu obratiti kontakt osobi na broj telefona 033 561 539.

Neblagovremene, neuredne ili nepotpune prijave neće se uzeti u razmatranje.



V.D. DIREKTOR

Prim. dr Omer Čemalović  
spec. forenzičke psihijatrije

